

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
KANTONALNI SUD U BIHAĆU
Broj: 001- 0-Su-26-000102
Bihać, 02.02.2026. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine F BiH“, br: 33/05, 22/06, 63/10, 72/10 – ispravka, 7/13, 52/14 i 85/21), člana 8. tačka j) Pravilnika o unutrašnjem sudskom poslovanju („Službeni glasnik BiH“, br. 66/12, 40/14, 64/17, 60/17- ispravka, 30/18, 83/22), u vezi sa članom 14 stav 1. Zakona o zaštiti ličnih podataka („Službeni glasnik BiH“, broj: 12/55), predsjednica Kantonalnog suda u Bihaću donosi sljedeće:

PRAVILA PRIVATNOSTI

Cilj Pravila privatnosti Kantonalnog suda u Bihaću (u daljem tekstu Sud) je da, u skladu sa članom 14. Zakona o zaštiti ličnih podataka (u daljem tekstu Zakon), svim licima čije lične podatke obrađuje, pruži osnovne informacije o obradi njihovih ličnih podataka na transparentan način.

1. Pravni osnov za obradu ličnih podataka

Vaše lične podatke Sud obrađuje u skladu sa članom 8. stav 1. tačka c) i e) Zakona, izvršavajući svoje pravne obaveze i ovlaštenja.

2. Svrha obrade ličnih podataka

2.1. Vaše lične podatke Sud obrađuje ispunjavajući svoje pravne obaveze u skladu sa članom 8. stav 1. tačka c) Zakona u svrhu:

- evidencije stranaka, njihovih zakonskih zastupnika i punomoćnika, notara i drugih osoba koje se evidentiraju u informacijski sistem za automatsko upravljanje predmetima (CMS),
- izrade statističkih, strateških i drugih analitičkih dokumenata,
- odgovara na zahtjeve za slobodan pristup informacijama,
- upisa podataka u druge evidencije koje Sud vodi na osnovu zakona,
- zapošljavanja u Sudu,
- izrade ostalih dokumenata u okviru realizacije naloga utvrđenih od strane Visokog sudskog i tužilačkog vijeća Bosne i Hercegovine.

2.2. Vaše lične podatke Sud obrađuje na osnovu legitimnog interesa iz člana 8. stav 1. tačka f) Zakona u svrhu:

- učestvovanja sudija, stručnih saradnika, državnih službenika, namještenika i drugih zaposlenika Suda na edukacijama i predavanjima,
- učestvovanja drugih osoba koje nisu zaposlenici Suda, u slučajevima kada Sud organizuje edukacije, predavanja ili slične aktivnosti.

3. Prava nosioca podataka u vezi sa obradom ličnih podataka

U skladu sa Zakonom o zaštiti ličnih podataka, nosioci podataka imaju sljedeća prava:

- Prava na pristup ličnom podatku- u okviru ovog prava mogu se tražiti informacije o svrsi obrade, vrsti/kategoriji ličnog podatka koji se obrađuje, predviđenom roku u kojem se čuva lični podatak, primaocu ili kategorijama primalaca kojima je lični podatak otkriven ili će biti otkriven. Pristup ličnom podatku može biti ograničen samo u slučajevima kada je posebnim zakonom propisano ograničenje.
- -Pravo na ispravku ličnog podatka – pravo zahtijevati ispravljanje ili dopunjavanje netačnog ličnog podatka ako podatak nije tačan i potpun. U zahtjevu navesti šta nije tačno i potpuno te u kojem smislu bi trebalo navedeno ispraviti te dostaviti potrebnu dokumentaciju u prilog svojih navoda.
- -Pravo na prigovor – pravo u svakom trenutku podnijeti prigovor kontroloru podataka na obradu ličnog podatka u skladu sa članom 8. stav 1. tačka c) ili f) Zakona, uključujući profiliranje utemeljeno na tim odredbama.
- -Pravo na brisanje – ako lični podatak više nije potreban za svrhu za koju je prikupljen; ako je nosilac podatka povukao saglasnost na kojoj je obrada utemeljena; ako je nosilac podatka uložio prigovor na obradu u skladu s članom 23. stav 1. Zakona; ako ne postoje zakonski razlozi za obradu ako je lični podataka nezakonito obrađen, ako ne postoje drugi pravni osnovi za obradu podataka.
- -Izuzeci za ostvarivanje prava na brisanje - radi ostvarivanja prava na slobodu izražavanja i informisanja, radi poštivanja zakonske obaveze kojom se zahtijeva obrada propisana posebnim zakonom, a koja se primjenjuje na kontrolora podataka ili radi izvršenja zadataka koji se obavlja u javnom interesu ili u izvršenju službenih ovlasti dodijeljenih kontroloru podataka, u svrhe arhiviranja u javnom interesu, u svrhe naučnog ili povijesnog istraživanja ili u statističke svrhe u skladu sa članom 56. stav (1) Zakona, u mjeri u kojoj je vjerovatno da se pravom iz stava (1) može onemogućiti ili ozbiljno ugroziti ostvarivanje ciljeva te obrade ili radi postavljanja ostvarivanja ili odbrane pravnih zahtjeva.

Za ostvarivanje svojih prava nosioci podataka se mogu obratiti ovom sudu putem kontakt podataka navedenih u ovim Pravilima.

4. Sigurnost ličnih podataka

U ovom sudu su osigurane odgovarajuće tehničke i organizacione mjere zaštite kako bi se spriječio neovlašten pristup, gubitak, zloupotreba ili neovlašteno otkrivanje ličnih podataka. U cilju zaštite lica i imovine, kao i obezbjeđenja sigurnosti prostora, u Kantonalnom sudu u Bihaću postoji videonadzor. Videonadzor se vrši u skladu sa Zakonom o zaštiti ličnih podataka BiH i drugim pozitivnim propisima. Kamere su postavljene isključivo na mjestima gdje je to nužno radi postizanja navedene svrhe i ne obuhvataju prostorije u kojim se narušila privatnost lica. Lica koja se nalaze u prostoru pod video-nadzorom su o tome jasno obaviještena putem vidno istaknutog obavještenja.

5. Korištenje kolačića

Na našoj službenoj internetskoj stranici koriste se obavezni, odnosno tehnički kolačići (cookies). Ti kolačići su male datoteke koje omogućavaju ispravan rad internet mjesta i ne

možemo ih isključiti, te za njihovo korištenje ne trebamo vašu suglasnost. Obavezni kolačići ne pohranjuju nikakve informacije koje bi vas mogle identificirati.

6. Prijenos ličnih podataka drugim kontrolorima podataka

Vaše lične podatke Sud može dati drugim kontrolorima ukoliko je to potrebno za izvršavanje zakonom propisanih obaveza treće strane ili ukoliko je to neophodno za izvršavanje legitimnih interesa treće strane. Vaše lične podatke Sud neće prenositi drugim kontrolorima u inostranstvu, osim ukoliko takva obrada nije neophodna na osnovu međunarodnog propisa ili ugovora koji ga obavezuju. Vaše lične podatke Sud neće prenositi u svrhu direktnog marketinga.

7. Vremenski period čuvanja ličnih podataka

Lični podaci se čuvaju onoliko koliko je potrebno za svrhu zbog koje se obrađuju. Lični podaci se mogu čuvati i duži vremenski period nakon prestanka svrhe za koju se obrađuju, na način da se čuvaju u arhivi onoliko vremena koliko obavezuju zakonski propisi o arhivskoj građi.

8. Izmjena Pravila privatnosti

Sud zadržava pravo izmjene i dopune ovih Pravila privatnosti u skladu sa izmjenama zakonskih propisa ili u skladu sa praksom. Sve izmjene će biti objavljene na web stranici suda.

9. Podaci o službeniku za zaštitu ličnih podataka

Službenik za zaštitu ličnih podataka ne daje pravne savjete drugim kontrolorima i obrađivačima podataka. Osnovna uloga službenika je davanje savjeta i preporuka o obradi ličnih podataka rukovodstvu i zaposlenicima Suda koji rade na poslovima obrade ličnih podataka, te nosiocima ličnih podataka čiji se lični podaci obrađuju od strane Suda.

Službenik za zaštitu ličnih podataka Kantonalnog suda u Bihaću je Dževad Prošić stučni suradnik sudaca. Imenovanog službenika možete kontaktirati na sljedeći način putem mail dzevad.prosic@pravosudje.ba ili putem telefona na broj 037/222-201.

10. Kontakt informacija suda

Kantonalni sud u Bihaću, 5. korpusa bb, 77000 Bihać
Tel. broj: 037/222-201; faks broj: 037/ 222-566
e-mail: ksud-bihac@pravosudje.ba



Predsjednica suda
Fata Nadarević